

# ZRZESZ KASZEBSKO

CZĄDNIK  
KASZEBSKICH ZAJMOV



V MJONO BOSKJI  
NORODNI VZENJIK

Vědovajaci i redaktor wodpovjedzalni:  
IGNACY SZUTENBERG — GDYNIA  
ul. Świętojańska 16.

»Zrzesz Kaszëbskô« vëchodô 1 roz v mje-  
saci. Przedpłatnô je rocznje 3.50 zł;  
kwartalnje 0,90 zł. Czqdk 30 gr.

NR 10

KARTUZE Rujan 1937

ROK V

## Mova pogrzebovô na eksekvje Bogusłova XIV

### II

Nje noleżało navetka meslec, żebe kjejdes v Szveceji, Daniji czë Norvegiji na tronje zasod krol vëbrani z Pomorza. Norode bliskji greńcami Szvedom i Danom po wukuńczoni wojnje, tu, v tim najim mjesce (sc. Szteteno), przë postrzednjictvje knjeza pomorskijgo pertraktovelë v spjernech spravach, wokazivelë so procimko do se wobovjzskji mjilote i dochodalo do zgodë. Pamjëtom tež, jak szanovni i v mlodechnech latach vëbrani elektor brandenburskji<sup>1)</sup> przëszed jednigo razu jesz za žëcigo knjeza: nazvoł wojcem gô i rozmajité jinszi poznakji poczestnosć wokazivoł; vjedzoł, że z wojcë jegu pobożni pamjęcë Jerzim Vilhelme<sup>2)</sup> knjez nasz v przejacelstvje beł i vestrzod sprzemjerzonima knjezami bezmała za pjerszigo wuvożani. Przejacelstvo to dobetnij parłeczelo sąsedztvo i przez vjolgji pokrevjeństvo v przechodnim času. Do tego vjic doszło, że przejacela knjeza sami lizov nji mogą povstrzamac, tim baržij, kjej vjidzã, że płaczą jego poddani i że wotroka nje wostavjeł. Njima ters komu kultivovac zvjzskov przejacelstva. Le co robjã? Czë nje je nokożë moim skreszec poddanech i przejaceli knjeza na pogrzeb zeszech së z vszãdka, a nobaržij, że na njim cëlô rodzezna knjezov pomorskjich vëmarła? Ale nji może bëc tak, żebe vjedno bolovji wulegac. Leckami, chternima kjereje së sprave naszi wojczeznë, ju kjerejã dobrë ręce, chternë leno wo najim vszetkjim, co posodomë, dbadzã. Na jejich pokozanjë së cerpjimë, a lize pomalu gjinã. Podnoszomë skarnje i łesënë wodkrivomë, a Bogu, krolovji i elektorovji kłopot wo przjãdotë najã polecemë.

Jô timczasë to, dlo czegu na katedrë në jem vstãpjeł, belno vëpovjem; v movje prosti, ale poczesni i całovno szczeri woddom hold nje leno Bo-

guslavovji, le całi linji knjezov pomorskjich. Wopovjem nopjervij, jak vjolgô rodzezna zagjina mjidze knjezami Njemcov, potemu, jakjigo i jak vjolgjigo më knjeza wutracelë — a va pjilovno czejta i žeczno przëjimta moją movë.

Kjej przed 17 latami, przed vstãpjenjim jesz na katedrë, przënjoslë mje takã vjędzë, że knjez Bogusłov z zacëcim së zeszi nocë wumar, jem së całi rozpiakoł. Jesz mocnij bol vdzar së do serca mojigo, bo jem Pomorjonë i taczcznë vjidzoł jem v baro njebezpiecznoscovech czasach, a tej pozbavjoni starszech, a gëstim donechczos lestë wokretë drzevo slövnich knjezov je razë z korzenjim vërvané. Przëstoł jem na vzëcë katedrë. Le kjej v diskuseji (tã jem së poslužel), wodbivajaci së v tim całim zakłopotanjim, a pozbavjoni wubetku i cechoscë, chterna v njespokojnych momentach je konjecznô — jedni chcelë, żebe v nowukovi rozpravje wusenac së wod rzeczi zaleznych, vestrzod słochajãcych rozloc falë žeczniigo nastroju, a vestrzod plãkanjigo i zatrechłoscë pokozac, jak vjolgjima belë knjezovje Pomorza, jak z tatezenjim dbanjim robjilë dobrze dlo ledu, jak dalekji belë wod njeledzkjigo wobchodzenjô së, srogoscë i krzivdzenju kogos. Jô tež jim vëložel, bo jem so domiszlivoł, na jak vjolgji njewubetkji taczczna znowuzka beła be naražonô, choba, że v tim całim chwoscë, v jakjim së Njemce nalezlë i vojnach njiszczëjãcych tam sam provadzonech, Bog be nom pomog; i po mjinjëcim së jakjis godznje słochajãcych jem rozpuseel. Som tež pozerol jem v kol sebje, co be vëgłosec v panegiriku dlo chvalë wumartigo knjeza. Zbadol jem, czë nje dô së przednjikov jegu, chternejch rocznjikji nasze po novjkszi czëscë vëprovodzajã wod Svantibora<sup>3)</sup>, pogona przed 550 latmi, jesz przed njim vëprovadzec. Przezerol jem Kromera, Gvagninusa, Neugebauera i jinszech historikov z sąsedzkji Polskji,

v ti wudbje, že sprave Polochov i Pomorzon z povodu sasedztva gvesno se parlecza. Tam jem spozveol se nalezc przednjikov Svantibora, chterni stelē na starze tegu drozeszcza, prowadzācigo do Bōltu, dze dzis mjeszkivomē. Co też z tego za vžatk? Věpovjedzec mom, czē rozvijac?

Historejē czē wopovjostkē. chternā jem czetol wo knjezach Pomorzanov, njevortnō je wuszov vajich, va knjezovje, chternizesta knjezov najich rechovelē do svojich przjacelov. Pjisarze wo dzejach ti podovajā njimo sebje za maľovjidnim (obscuru Długosso) autorē Długoszem, že po czasach Karola Vjolgjigo przed vjęcij njigle 800 latmi Polosze mjelē za krola Leszka, wotroka Lecha sodmigo, chteren testamentē wostavjel krolestvo Popjelovji, jedernimu pravovjītimu senovji svojimu. Reszta dvadzescasenov njelegalno wurodzonech zmuszelē do wuznanja Popjela krolēm (wopovjostkē — przēznajē — z pogorchā jem czetol) i wustanovjilē jich nad Pomorzanimi, Kaszebami, Rujanami, Brandenburczikami i Misnjā — nad vszēdnima, chterni znād przed i za Łabā, Salā i Vezera, až po Vjislē mjeszkivajā. Vnetka rodzezna Popjela vēmarla, a jejich nadstāpjelcov wuvožanech za njevortnech z przēczenē njelegalnigo pochodzenjō Polosze vēnekelē, na tronje krolevskjim bel vēbrani Pjast, wubogji gospōdorz z Kruzvjicē. Cheelē bo słochac kogus z ledu, njigle knjezov njelegalno zrodzonech. Tak jō tak som do se: czēlze jaż teli smjałoscē majā autorovje rocznjikov polskjich, že nobelnejšim ledztvom kjejdes betujācim nad Wodrā, Spreva, Varna, Trava, Salā, Łabā i Vezera moglē be se naciskac z knjezami njelegalno zrodzonima, jaknobe, chterneh Polosze se vērzelē, nech wonjiže zarusku przējāc mjelē be za vastov? (V tim molu zaczenō se wopjis plemjonov i jejich wodcov, chteren wopuszczomē z przēczenē przestarzałoscē — przēb. przekasz).

Njeprovda dloze je, co pjiszā kronikji polskji, že v IX vjeku Popjel dlo Brandenborzov, Pomorzanov, Rujan, Meklemborzov i dlo jinszech ledov mjoł wustanovjic svojich dvadzescas njelegalnech senov — kołē i pnjiszczē be muszałē bēc te nobe njeszi norode, žebe dopuscec do vladze tech, chternimi pogordzelē Polosze i nad chterneh wudbelē so wobivatela — plebejusza, chteren dostol korunē.

Długochno przed Popjelē mē poznelē ju Sigvarda, chteren ženjel corkē Gosvina, krola Wobotretov v Slaveji. Sena jego zrobjel svojim starķē: bel njim dregji krol Wobotretov, Billung. Matkā Vittekinda bela bjałka Vernehina, knj. Sasov, Gunhilda, corka Rošlava. knj. Rujan. Przed Popjelē, za czasov Karola Vjolgjigo, krolami Vjilkov, tj. Pomorza Zochodnigo belē Aribertus i Lubicz, a Wobotretov: Billung, Trasco i Bogumjel. Mjoł dvueh senov: Mirosłava i Ratibora, chterni spjerelē se wo nadstā-

pjelstvo v stronje sztetjnskji. Vojnā zaczelē, a zgodno zakućzelē przed cesarżē Ludvikē z Frankfurtu nad Menē — wonji doždēlē czasov Popjela.

Kje tak i przed Popjelē i za czasov Popjela tak vjolgji bojatrovje na Pomorzim, Ruj, v Meklemburgji i blisko se leżācech zemjach ju krev z jinszima krolami zgodno mjeszelē i belno se procem njim stovjelē — sami słochacze zpozmejeta, co przēnolegō meslec i jakji vēdac virok wo wołgani wopvjescē Długosza, choci Kromer, Gvagninus i jinszi v njā wuvjerzelē.

Tvoje popjole, bļogostāvioni Bogustāvje i duche tvojich przednjikov, mojim pjetizmē choł jem wuvolnjic wod gańbovnigo pomeszlenjō. Choci jes wostatnim wotrokē mēżcziznjanim, chternigo teli bojatrov wostavjelo, to jednak tvoji kjejdes poddani i jō vestrzod njima, nje zabelesmē wo ce i przednjikach tvojich; co ledzkō godka njese wo knjezach najich a navetka sasadach muszimē wuvclnjic wod njeprovdzevech versejov. Tvoji przednjice žodnimu knjezovji polskjimu, žodnimu czeskjemu potegā nje wustēpovelē.

p. v.

Brunon Sobczak  
Jan Kolka.

<sup>1)</sup> Friedrich Wilhelm 1640—1688.

<sup>2)</sup> Georg Wilhelm 1619—1640.

<sup>3)</sup> Svantibor I, pjerszi knjez Pomorza † 1107.

## I. Szutenberg

### Svjętopolka rod

(Pjesnjō)

Jak długo v sercach najich  
Choc kropla kaszebskji krēvji —  
Tak długo v sercach najich  
Płomisto ē mjlota v nji.

Vstojac zaczenō dzis krōj nasz cali,  
Vstol dzis Svjętopolka rod, Svjętopolka rod!  
Dobēc muszi Juńc naj Czorni —  
Dobēc! Dobēdze kaszebskji lud!

Jak długo z Wolevskji vjeżē  
Bjic mdze starovni zvon —  
Tak vjedno najē morze  
Rozspjevō pjesnovi ton.

Vstojac zaczenō ... etc.

Jak długo svjētō vjara  
Rozgrzevō najā krev —  
Tak stojec mdze Kaszebskō nasza,  
Be vjolgjiho bētu głosec zev!

Vstojac zaczenō ... etc.

## Dłoczegu Derdovskji nje napjisoł „himnu“?

Napjisoł marsz. Napjisanjé himnu dlo Kaszebov Derdovskji wuvožoł za rzecz choba njepotrzebna, mało konjeczna. Pożeteczną rzeczą belé „łgarstva“; vergle sę jeho trzēmalé. Vjerszt wofjarovani I. Kraszewskjimu, pjsarzovji povjescov, podpjiiseje „Wod łgorza“. Druhom kaszebskijm tež „zelgoł“ vjesoła epopejé „Wo Panu Czorlińskijm, co do Pucku po sece jachoł“. Nje łgoł jednak vjedno. Artizm, vedle chterniho pjišoł svoje dokoze z pod pjora vėrosli, movji wosobno za se. Ale ters nje wo to chodzi.

Nje napjisoł himnu, ale marsz, chteren, nen wostatni, vjolgji dzel Polochov za himn kaszebskji wuvožo dzisodnjé. Nje dō sę ho wuvožac za himn, jak to njechterni chca, bo njim nje je, a som autor, Derdevskji tak vesok mesła nje sigoł, žebe v pjesnji zakłac — cos z jejich ducha — vjolgjiho i pjėkniho z dzejovihó becihó Kaszebov.

Marsz kaszebskji Derdovskjiho „narodzel sę“ v prostim ale wujmujacim epizodze „Czorlińskjiho“. Bohater smjesznihó epos vėchodō z zosodē v Conovje (mjedze Słėpskē a Kołobrzegā), chdze njedovjinnje sedzoł z przėczenē njeszczescihó, chterno sę trzēmało ho przez cała vnetka drogę, jak jachoł do Pucka po sece.

Dovjemē sę wo tim z dregji kšęgji Czorlińskjiho. Po vińdzenjim z zosodē i po bjotce z žedami wo skore po konjach, provadzi žid Czarovnjik do karczemnihó chleva, v chternim na sprzedanjé stoi stari koń; na levim jeho wudze je z polskijm worzłé pieczęc vėpolonō. Koń nje młodi, slepjeje ju na jedno woko; stori veteran żołnjerskji, na chternim v 1848 r. mjoł jezdzec Mierosławski. Žid radzi: „Le zaspjevac marsza, skocze, choc je wuvjazani“. Czorlińskji nje namiszłō sę; muszi mjec konja do vanoženjō za secami. Tejde „zaczął cenko gvizdac marsza kaszubskjiho, na nę notę, jakno polskji mazur Dąbrovskjiho“\*). Koń zaczął przebjerc nogami, co tak mocno wujęło reboka, że nen kjile razi kusznął ho v głowę. Potemu Czorlińskji peszno so wustavjel i zacziño spjevac kaszebskjiho marsza:

Tam, chdze Vjista wod Krakova  
V polskji morze plenje.  
Polskō vjara, polskō mova  
Njigde nje zagijnje.

Njigde do zgubē... etc.

Stanał... Koń le vjedno v gorę kopeta podnoszō — z teho ceszi sę Czorlińskji i spjev dalij głosi: „Mē z Njemcami...“ etc.

Tim spjevę — przėboczenjim ducha dodoł starimu konjovi Dodoł ho tež Czorlińskji i sobje, bo spjevje jaž dzevjęc strofov z refrenę, v chterneh przedstovjō bjotkji z Njemcę, žęcō pod Krzēžokę, służbę vojennā dlo polskjiho Krola Jagielle, bjotkji z Krzēžokę za krola polskjiho Kazmjerza, z Szvedami na wokrętach, moc i vjarę v krziž svjėti, vspomjinō wo svj. Stan. Kostce. Wostatnō strofa je czekavō dlotegu, że Derdovskji v nji vėpovjodō to, co vjidzi vlosnima woczami na Kaszebach:

Płaczā matkji nad senami,  
Płaczā dzis dzevjice.  
Hola! Jesz je Bog nad nami,  
Dōł cepe, kłonjice.

V marszu tim mało vjidzimē provdē historeczni. Vjele v nech strofach poetekji fantazeji. Sā to dzeje polskji, chterne mało znoł, abo belno „zelgoł“.

Derdovskji napjisoł nen marsz na nutę „Jeszcze Polska nie zginęła“, kožac tak spjevac Czorlińskjimu przed konjē. Do słov tech wuložel melodię i na fortepjan Feliks Nowowiejski, autor „Roty“, tłukę wosobno vėdoł v 1921 r. nakładę Kšęgareji Svj. Wojcecha v Poznanim. Novovjeskji vėdoł tę rzec pod zevjiszcę „Hymn kaszubski“ (Op. 38 Nr 6) i wodnād marsz Derdovskjiho je wuvožani za himn. V tim vedavje je podanō I, II, III, IV i VII strofa vedle wukładu woriginālu. Zrzeszenjé Regjonalné Kaszebov przėjēło „Hymn Kaszubskji“ Stanjislava Czernickjiho, zacziñajaci sę wod słov: Pomorskji Grif rozvijō lote..., muzika T. Tylewski, nje przėjāł sę jednak v szerszim kole.

Kjej chce chto konjeczno wuvožac nen marsz za kaszebskji himn, ten tē njech Derdovskjimu — autorovji — woddō spravjedlevotę, spėlnjajacē jeho žeczbę, że spjevōł mdze nen v dnje, chterne tak popularni sā v krōju... na „svjėta“ konja. m.

\*) Henež, str. 57 (Vėd. Torń 1880).

## Njicht

nji može wutrzimac ducha bez worganu, bez pjisma, chterno podskocō svjėti płom zapalu i pręcē dlo svigō ledu. Chto nje czetō ē nje vsjėru pjisma, ten nje kjereje sę svojā kulturā.

Kjej jidę — nje vjidzē njic. Jakuže mom sę wobrocac, kjej vjem czego chcę! Zmęczeni stanę kjej, czeję, że jem som. — Ale nje, bo chtos ju navetka mje vprzedzoł, poslode nachodajā tež! — Drogama jakjima chodajemē nje sā nom cezē. O, jak to dobrze nje bęc som! Drožeszeza tegu nje nolezi

szukac dalek, je blisko. Zaczino sę wod nas samech, kuńca nji ma vjidzec. Taką je Kaszebjizna!

Trzimję v ręce malé pjismo. Mō porę stron. Jak je letkji, jak szemarzi vjatrę gjętę, vękrzevjō sę, chcało be z vjatrę wumekac. Kjej wutrzimje sę v kaszebskijch rękach, będze dozdrzani, będze vjedno dzelikę meslę naszi?

„Zrzesz Kaszëbskō” wutrzimivō sę z vespjeru Belnech Kaszebov-Czetińcov. Jak malō je materjalnā, tak vjolgā je v deji, chterni słuži! V zbjernim głosu „Zrzeszë” nji moze zagjinac Kaszebov duch provdzevi — a chto mō z ducha žeczbe i nokoz popjerac, z pozetkę robjic dlo se i dlo tech, z chterneh som pochodzi, przodovac i głosec vszędze, głosno i z mocā, ten njech nje stoi na stronje i nje wopjero sę vłosnimu semjenju, ale dopomoze v vespolni spravje. Będmę tež ricerzami-wobrońcami wobudzeni tatecznë - Kaszebjiznë! Z matinczenim kłopotę, z energieją tatezenā, pjilovno boczmę, żebe ję krzivda nje dobjā, wopuszczenje nje zasmucelo! Chto jednak nji mō mjilosć do bliznjigo-Kaszebe, to jakże mō mjec do vespolni tatecznë-Kaszebjiznë?!

Kjej chto v žecim vekazivō, że nje bjerze ji považno, to na jakjize podstavje momę wuvozac, że mdze sebje łomoł nad ji poznanjim, że mdze zajmivōl sę badanjim samech podstov: historeji, movë, zvekov? Mō pevno dosc, że, posleszni vëbranimu przez se kjerovnjictvu, je vjedno na poszeku do popjeranjë vespolni spravje tego kjerovnjictva ramjenję i movā, żebe dlotegu zeskac wuznanjē tech, chterni mogā mu vërobjic znaczenjē, avans i poparcē v svoji gępje, do chterni nolezi. V takji to sposob stovajā sę ledze bojovnjikami i vëznovcami przekonanjov, vo chterneh pevno njigde sę nje przekonelë, chterneh novovjierzācima njigde nje wostelë, chterne to przekonanja navetka njigde v głovje nje povstałë. Provdę mjoł Locke, filozof, że chto płaci dobri žołd, naleze armiję vo koždım czase, choebe jego sprava beła nogorszą v svjece. Meslec samodzelnje je pravę njevjele ledzi. Resztā kjereje autoritet i przykład. Kaszebjji, nje patrzme cezima woczami i cezima wuszami nje slochejmë.

Ti, co tak robjā, moze bęc, że poznelë najā provdę, ale że nji majā jistno žodnych zapatrivanjov anji žodnych mesli procimko do ti provdë, dlote sobje i jinszim głove zakręćivajā pomilonim i falszevim zapatrivanjim. Wudbelë tež trzëmac sę moeno tego dzela, kjerovnjictva, z chternim spodzevajā sę zarobku i wokazivajā zapolenjē i wodvogę, są vjerni svojim wodcom, ale nje badajā njigde spravë, za chternā vojujā, nje znajā njeroz ji navetka.

I takji są Kaszebjji, co zabelë i wodrzekajā sę Kaszebskji. Tegu nje nolezi kręc. Mogbem tu na ten przykład vołac: o, jak malima jesta Polochami!

V czim lezi tragizm wotrokov Kaszebov-Pomo-

rzon? Nje v tim, że vjele v jejich žecim beznadzejnošće. Ale że tak malo rāk do vjolgji spravë, zabeti vnetka v svjece i to nostrasznejšzi, że vjeczor jich moze najndze i cechō czë trzosklevō noc zmjan dzejovych svjata nje zagubji. Dalek jesmë jednak wod te, žebe lepsze nodzeje sobje vëdzerac.

Že Kaszebskō dzisodnję vjikszi dobeła zrozmjenjē, to nje znak, žebe ters ję wostavjic na łasce zaczeți drogji; tim barzij dozerac przënolegō. Vënaturzenjē ji grozi.

Njech koždi rzetelni Kaszeba mdze belnim i nje falszevim Bojovnjikę ji deji — svojech przekonanjov.

Nje v cechoscë ducha, v zamknętim sercu i chłodnim rozmje — dlo se samigo, ale sparłęczeni v vespolni gromadze, z ledę, bo leno razę, vszesce, mozemë cos dokozac, dobęc, bęc kołę v lińcuchu dzejovigo bęcō. Kaszebjizna mō bęc najim žecim. Jesmë z Kaszebov, varcmë do Kaszebov — mocnjeszi v poznāmā vortosc. Zrobji z naj lepszigo człowjeka, dobrigo wobevatela, wofjarnigo. Moze momë zabęc, vërzec sę, žebe nalezc toni i letkji chleb chdzes jindze? Rzetelno zarobjoni, v cežkji prōcë, chleb lepij smakō, je mjelszi. Dokoze vortosci mdze to, że nje wostavjimë po se rzecz mjeszā! Prōcejac nad sobā, dlo vłosni kulturë, dokłodomë v darenku brzod naji prōcë dlō najich nobležszch i do vortosci ledzkoscë. Žebe nalezc mol v svjece — przënolegō nom tak czenjic.

— — — — —  
Kaszebjji, nje nolezi wostac na tim, co momë. Koždi nosi v se cos, co be jak nolepji choł takā vortosc wokozac. Trzeba nom wosvjatë historeczni, dvjignac sę na vežšzi stāpjeń kulturë. Pomoc sami i sobje mozemë le razę.

Njechže njicht nje wuvjerzi, że takō „Zrzesz” vo porę stronach je malo. Mali je papjer, ale v nji vjolgō je słužba i dejō! Ten papjer je za mali, baro mali, na to, co be noležālo robjic! Njechže tejde koždi, komu kaszebskō sprava na sercu lezi, vedle svoji sełë na „papjer” vjikszi wofjarę robji, dobrim slovę i wuczenkę Kaszebov v bjedze sę przësluži, svjat głëbok kaszebskji pozno, deję i tim sę wumocni. Chto moze — njech vspjeru, chto nji moze — njech Belnim Kaszebā wostanje. Pomoc materjalnō i duchovō sę parłęcżā i vspomogajā. Dlote są konjecznë wobjel

#### B ŏ ł t s p j e v ŏ

„Spjevejze vjic, Bŏłce, pjeseń svā Kaszebstva; spjevejta za njim stari laseszca pomorskji, a tē, ledu kaszebskji, kochej i szanej svoją snczā movę, tę novortnjeszā po przodnjikach spusceznę, skorno v wobronje ji krev woddelë i nje vstedzele sę njā movjic slŏvni wodcovje i knjezovje tvoji, chterneh proche, złożŏni na vjeczesti snjik v Wolevje, wutci-vosz jak sę przënolegō i njesesz v se vo njih dzāczlevi vspomjink!”

R a m u ł t

## Kaszebjizna za czasov knjezov pomorskich

Jak se tej vėmovjalo — njic pevnih nji ma vjedzec, bo nje wostalo njizodniho dokumentu z nech czasov. To co spotikomė v ksążce „Wiatr od morza” Zeromskijho — wopovjodanjė po kaszebsku — je vėmeszlenjim literackjim. Porovniwanjė nazvov wosob i molov z tech czasov z dzis vėmovjanima dō se v małi czėscė poznac, jak tede movjilė. Duńc mozemė do tego jak se slova vėmovjalo, ale nje dō se dokładno dokozac jak je wodmjenjivelė. Dlote tež njic pevnih nje je vjedzec, leno cos njecos mozemė dzis vjedzec wo movje tech czasov.

Kaszebjizna v XIII st. mja samogłoskji a, e, i, o, v, a, ę i dzvjek podobni do „y”. „a” vėmovjalo se jak fr. „en”, ę zblizalo se barzij do nosovih „i”. Też „y” nji mjało tego głosu jak polskji „y”, leno beł to głos postrzedni mjedze „e” a „i” i spotikało se leno przed „r”. Vszechkji tē samogłoskji beł krotkji abo dlugji (jaad, brzeeg, grziib, roog, dvouuch, pjaati, rzėdze, syrce).

„F” i „H” pravdopodobno jesz nje beł, do kaszebskijho dostał se dopjerze z njemjeckijho, a v XIII st. nji ma vjedzec jesz wo jehov plevje. „V” Lorentz woznoczoł polskji w, „ć” i „dź” beł jesz mjėtkji, ale v vimovje zblizalė se barzij do t, d, jak v ros.

Mjėtkji pravdopodobno beł jesz tež „ś” i „ź”, a nomji v Slėskjim navetka „cz” i „dz”. Nje dō se stvjerdzec, czė zmjėkczenjė beło ju przė k, g, ch, przed i i e. Zmjėkczenjė zvezno wokresł se przez j, nje przez i: vjicher (vedle Lorentza).

L v XIII st. beło pevno vjedno mjėtkji, jak dzisejszė polskji, nje kaszebskji l, co scvjardnjało. Vėmovė rz nje dō se dokładno dokozac. V XIII st. beło jesz rj; v cigu XIII st. zamjenjolo se na rz (vėm. rz).

Njizoden viraz kaszebskji nje zacziñoł se wod o abo u; tu vjedno wużivelė przėdech, vėmovjanih jak ang. w (water), tim znakę Lorentz woznoczoł: woko (oko), woosmi (ósmy); p. „Zrzesz” nr 9.

Wokoma nech zasadnjiczech wodmjan spotikō se i jinszė roznjice, co le przepodkė dō se postrzec. Vjic zagjinjėtė samogłoskji spotikalė se zvezno: Jelėdzino, dzis Jeldzino, Gołucevo — Gołcevo. Dzisejszō jistnota Kaszebjiznė: kuńcoveczkji k, c zamjast ek, ec, beła dopjerze v zoczėtku. Movjalo se vjic Żarnovjec wokoma Żarnovc, Chmjeienc — Chmjenjec, sink — sinek. Spotikō se tež ecz wokoma cz, vjic Tapjecz wokoma Tapcz.

Vożni v movje, jėzuku je akcent. Kaszebjizna XII st. mjała akcent ruchomi i navetka zmjenjajaci se v wodmjanach tego samih virazu. Je to akcent praslovjańskji, chteren do dzisdnja momė v pevnim dzelu v dijalektach nocno-kaszebskich. Ale v dzisodnjovch dijalektach akcent nje leżi na nech samech zgłoskach, jak v praslovjańskjim anji jinszech movach slovjańskjih, chterne maja i ters jesz ruchomi akcent. Dlotegu nji ma vjedzec, czė v XIII st. kaszebjizna mja ten som akcent co dzis. Može tež beło cos kol tego podobnih, choc se wo tim dzis njic pevnih nje vje. Ale vjedno duńdzemė nobarzij do podobė. kjej mdzemė tak akcentovelė jak dzis na nocnych Kaszebach. m.

## Co se czetō ě czeje

Dnja 14. IX. rb. wumar Tomasz G. Masaryk

prezident republikji Czecho-Słowackji. Beł belnim senem svigo norodu; smjercą svoją wokreł svjat slovjeńskji żołobą. Trzė raze beł prezidentę: 1918, 1927, 4934.

Wumarla

17. IX. tr. Maria Kręcka, szkolnō gimnaziji męskji v Vejrovje, Kaszebka wurōdzonō v Borzestovje. Zajmiva se teatrę kaszebskim, regionalizmę, a że beła „dziedzicznie obciążona”, tzn. beła Kaszebka, nji mogła dlote z przėczenė nokożu direktora gimn. provadzec teatru! („Zrzesz”, R III, nr 2, XI. 1935, str. 19). Zachovjemė ję dobrze v pamjėcė.

Rujan

Mjesac nen beł znani tak v dovnch latach na wostrovje Ruj (Rügen) i znani: p. „październik”, czes. „rzijen”. Viraz nen pochodzi wod zvjerzāt, v tim mjesacu se „rujelė”; polskji „ruja” (oestrus, oestrus venerus).

Revizejō

Dnja 1 sėvnjika policejō revidova privatnė mjeszkanjė najigo redachtora wodpovjedzalnih Ignacih Szutenberga; szukelė dovodov i jinszech do tegu rzeczi, jaknobe na poczātku czervjińca tr. mjoł vėselac anonimovi leste (beł tede v zosodze!) na sėdzov Gdinji. Policejō wopuszczca mjeszkanjė z pokvitovanjim wodbeti revizeji.

Movja, że...

Dzeje se tak, jakbe to muszalo tak bėc. Gduńsk, to najō stoleca Kaszebov, co beła. Szteteno, to najō stoleca Pomorza Zachodnih, co beła. Co teru je? Wostalo nom le to, że inomė za sobą pravo

dzejovi wo tim movjic. A že nom wostało pravo tak meslec, nje znaczi, žebe mě mjelě pravo v Gdińsku co robjic. V Gdińsku tak mocno provda, wo koźdim, v wocze bjije, že teru jaź slepja na vjierzch včhodzą. Nje na darmo smarovelě mjasto to farba i glancem — teru tež za tim svjeci. Kjej duńdze do teho, že wostatniho z Gdińska Polocha vėvala, noleźalobe poslac na tak voźni i wuroczesti moment ministra wod vszetkjiho i niczeho. Kozlę wofjarnim njech be wostał nen jistni, co Gdińsk dostał pod nje swoje (?) korkę...

## PRZEZER VEDA VOV

— „Folk” Zeitschrift des Internationalen Verbandes für Volksforschung. Schriftleitung: A. Campbell, Upsala; G. R. Gair, Edinburg; L. Mackensen, Riga—Berlin; J. de Vries, Leiden. Zweites Heft. August 1937. S. 113—228. Verlag von S. Hirzel in Leipzig. Art. wo Pomorzim: Pommern im Lichte der volkstumsgeographischen Forschung — Karl Kaiser.

„Bluszcz“ nr 35, R. 73, Warszawa, z 28. VIII. 1935 (0,50 zł). Cządnjik literacko-społeczni dlo ko-  
bjet. Cządk nen je vedani leno wo morzu i Pomorzim.

— „Slavia Occidentalis“. Tom XV. Redaktor Mikołaj Rudnicki. Poznań 1936, str. 286. Mjedze jinszima spotikomě: „Kaszubskie nen i formacje pochodne“ — Z. Rysiewicz. „Studia nad nazwami rzek lechickich. Odra i jej ujścia“ — M. Rudnicki. V dzelu kriticznim dr B. Stelmachowska rozprovjô sę z „Notatkami etnologicznymi“ dr J. Krajewskiej v „Jantarze“ R. I, z. 1.

## Prôcô

## nad Monografiją Pomorziho

Na Kaszebach wod kjile ju mjesaci badanja socejologiczne przeprovodzô v mgr Makarewicz dlo Institutu Bôldeckjiho v Gdinji, chterne w wopracovanjim vińdą jakno dzěl do poznji vedani Monografiji nocniho Pomorziho. Institut Bôldeckji je ju dobrze nom znani, že vjemě czego sę po njim spodzevac. Woboczimě, jak tim razę Kaszebjizna mdze vėzdrza v ni Monografiji. Može doźdomě jednak, že kaszebskô provda naleze lepsze poznanjé i lepji mdze zrozmjałô, czeho noleži sę tim barzij žeczec, bo wu-  
voźô sę jesz Kaszebską za „terra incognita“.

## R O C Z E Z N E

5. X. 1523 wumjerô Bogusłov X Belni, knj. Zoch.-Pom. Wurodzeł sę 3. VI. 1454, sin Erika II

i knj. pom. Zofiji. Młode lata przeziwoł vestrzod njezgode starszech v Rügenvalde. Wobjął vładzę po smjercě wojca (5. VII. 1474) nad Pom.-Vologoszcz, wostał vnetka przez sviho vuja Vartisłova X przė-  
jėti jakno regent nad Pom.-Szteteno a po 1478 jeho nadstąpjelca. V 1496 tovarzel ces. Maksimiljanovji I do Tirolu, znađ vėszed na pjelgrzimkę do Zemji Svjėti, z chterni varcel v 1498. Broł so za przikłod

---

---

## CZETIŃCE!

Przėpomjinomě wo wodnovjenjia na IV kv. prenumeratě za „Zrzesz Kaszebską“. Zapjiscac prosimě wu lestovech, chterni vszėdze przėjmivają prenumeratę, abo noleźną semę przeslac pocztą za pomocą „przekazu rozrachunkowego“ (na koźdim wurzėdze je do kupjenjô za 1 gr).

Pjismo najė nje dostovô njizodni subvenceji czė jinszigo vesparciho; sami Kaszebjci-Czetińce, chternim sprava Kaszebjiznė i „Zrzeszė“ je troską codnjovą, vspjerają. Njeczze takjich Kaszebov vjicij bėdzel Momě pienjėdze na polskji potrzebe, mjejmě, Kaszebjci, na vłosni!

---

---

knj. pońjovo njemjeckjich i wumocnjeł swoje vładzę przez zmuszenjé pomorskji szlachte do wuznanja jeho zvjerzchnoscě i to samo zrobjeł z wopjerającima sę mjastami Sztetene i Stralsunde. Dva raze sę wozenjeł z knj. Małgorzatą z Braunschweig-Wolfenbüttele (1476—1489) i knj. polską Anną (1491—1503). Beł nobelnjeszim knjezė Pomorza Zochodniho.

14. X. 1140 zemje słejskô i słaveńską bullą Papeža sparłeczoně z djecezją kamińską.

15. X. 1678 Brandenborzovje zajmivają Stralsund.

16. X. 955 Gero kol rz. Reknjice bjije Stojgnjeva, knj. Wobotretov.

17. X. 1456 založenjé universitetu pom. v Grifiji przez knj. Vartisłova IX.

19. X. 1466 dregô wugoda torińskô.

24. X. 1412 v bjitvje pod Kremmer Damm przegrivô burg. nornberskji Friedrich VI z knjez. pom.

24. X. 1648 wugoda vestfalskô: Szvecejô dostovô Pom. Przednė z Sztetene i Ruja, Brandenburzovje Pom. Slednė.

24. X. 1872 wumar historik pomorskji Otto Fock. Wurodzeł sę 29. IV. 1819 v Schwarbe na Ruji. Studjovoł v Bonu, Berlinje i Kiloniji filozofiję i teologiję. Po 1848 je baro czenni v žecim politicznim Holsztinu aż do czasu, kjej ho zabrelě Denovje. Potemu mjeszkoł v rodni stronje, skądka przenjos sę do Stralsundu, dze wumar. Dzeło, chternim novjėcij sę przėszłuzel tatecznje Pomorzu — „Historejô rujsko-pomorskô“ Lepsk 1861—72, 6 t.

---

Tłukjem „Zrzeszė Kaszebskji“ v Kartuzach.